

23 December. 2025

समे .18:15 Hrs

<><><><><><>

### Headlines

- मंत्रिमंडल नै हाड़ें करी प्रभावितें गी 15 मरला जमीं देने ते ग्रामीण स्तर दे कम्मगारें-वी.एल.डब्ल्यू.एस दी तनखाह बधाने सरबन्धी नीतियें गी मंजूरी देई दिक्ती ऐ।
- अज्ज मुख भरै च राश्ट्री करसान दिवस मनाया जा'रदा ऐ। प्रधानमंत्री नरेंद्र मोदी होरें अज्ज भारत रत्न चौधरी चरण सिंह हुं'दी जयंती उप्पर श्रद्धांजलि भेंट कीती।
- राईबाई मंत्री जावेद अहमद डार होरें साम्बा च किसान मेले दा उद्घाटन कीता।
- जलशक्ति मंत्री जावेद अहमद राणा होरें पुंछ च सौर उर्जा पैदावार सरबन्धी सरिस्ते दा जायजा लैता।
- मौसम विभाग नै जम्मू खित्ते च अगले 7 दिनें दरान बड़ी मती धुंध पौने दी पेशगोई कीती ऐ।

<><><><><><>

### Cabinet-Meet

मंत्रिमंडल नै सोमवारें हाड़ें करी प्रभावित होए दे लोकें गी 5 मरला जिमी देने ते ग्रामीण स्तर दे कम्मगारें यानि वी.एल.डब्ल्यू-एं दी तनखाह बधाने सरबन्धी नीतिएं गी मंजूरी देई दिक्ती ऐ। आकाशवाणी दे जम्मू संवाददाता नै खबर दिक्ती ऐ जे मुखमंत्री उमर अब्दुल्ला हुं'दी अध्यक्षता च ते सभनें मंत्रिएं दी मौजूदगी च लग्गी दी बैठक दरान बक्ख-बक्ख मैहकमें दे केई प्रस्तावें गी मंजूरी दिक्ती गई। इस दरान मंत्रिमंडल नै बहल फट्टने ते हाड़ें करी होए दे नुकसान झल्लने आहले लोकें गी 5 मरला जिमी अलाट करने दे प्रस्ताव गी मंजूरी दिक्ती ऐ ते कन्नै गै वी.एल.डब्ल्यू ते बक्ख-बक्ख कम्म करने आहले मलाजम दी तनखाह गी लैवल-2 थमां बधाइयै लैवल-4 करने दे प्रस्ताव गी बी मंजूरी दिक्ती। मंत्रिमंडल आसेआ मंजूर कीते गेदे इनें प्रस्तावें गी हून मंजूरी आस्तै उपराज्यपाल हुं'दे कोल भेजेआ जाह्ग।

<><><><><><>

### Natinoal Farmers Day

अज्ज मुख भरै च राश्ट्री करसान दिवस मनाया जा'रदा ऐ। एहू ध्याड़ा देसै दी तरक्की ते विकास च करसानें दे योगदान गी सम्मानित करने दा मौका प्रदान करदा ऐ। एहू ध्याड़ा साबका प्रधानमंत्री चौधरी चरण सिंह हुं'दे जन्म ध्याड़े दे मौके पर मनाया जंदा ऐ। एहू ध्याड़ा करसानें दे समर्पण दा जश्र मनाने ते देसै दीत रक्की गी आकार देने च उंदी महत्वपूर्ण भूमिका गी उजागर करदा ऐ। प्रधानमंत्री नरेंद्र मोदी होरें साबका प्रधानमंत्री भारत रत्न चौधरी चरण सिंह होरें'गी उंदी जयंती दे मौके पर श्रद्धांजलि अर्पित कीती। सोशल मीडिया दी इक पोस्ट च मोदी

होरें आखेआ जे सिंह होरें अपना जीवन समाज दे वंचित तबकें दे कल्याण ते करसानें दी खुशहाली लेई समर्पित कीता।

<><><><><><>

### Kisan Mela Samba-Dar

अज्ज राश्ट्री करसान दिवस दे मौके पर साम्बा जिला प्रशासन नै रानी सुचेत सिंह स्टेडियम च इक किसान मेले दा आयोजन कीता। इस मेले दा उद्घाटन राईबाई मंत्री जावेद अहमद डार होरें कीता। इस दरान नमिएं काह्डें, रिवायतें ते करसानें दे गौरव गी दर्शादि होइ, राईबाई सरबन्धी उपकरण, कृषि उत्पाद ते बक्ख-बक्ख किस्में दिएं सब्जिएं दे स्टाल लाए गे, जिंदा मंत्री डार होरें मुआयना कीता। मेले दे मुख्वा आकर्षणें चा इक कलाकारें दे बक्ख-बक्ख समूहें आसेआ शानदार सांस्कृतिक प्रस्तुतियां पेश करना हा। इस मौके पर पत्रकारें कन्नै गल्ल करदे होइ, मंत्री डार होरें आखेआ

<><><><><><>

### Pulse Polio Poonch

इक टकोह्दी उपलब्धि हासल करदे होई सेहत विभाग नै इस्सलै जारी पल्स पोलियो टीकाकरण अभियान तैहत हुनै तगर कुल 80 जहार 860 बच्चें गी पोलियो दियां बूदां पलाने च कामयाबी हासल कीती ऐ जेह्दे कन्नै उनें 100 फीसदी बच्चें गी पोलियो दियां बूदां पलाने आह्ला लक्ष्य पार करी लैता ऐ। पुंछ च पल्स पोलियो टीकाकरण अभियान दियां प्रभारी ते डिप्टी चीफ मेडिकल अफसर डॉ. रुबि भट्टी होरें अज्ज इस अभियान दे त्रीये रोज इस उपलब्धि गी उजागर कीता ते अभियान च शामिल पूरी टीम दी मेहनत दी सराहना कीती। इस बारै आकाशवाणी समाचार कन्नै गल्ल करदे होई डॉ. भट्टी होरें आखेआ

<><><><><><>

### NCC R'Day

जम्मू-कश्मीर ते लद्दाख NCC निदेशालय दे ए.डी.जी. मेजर जनरल अनुपिंदर बेवली होरें जम्मू दे नगरोटा च एन.सी.सी. अकैडमी च गणतंत्र दिवस-2026 परेड च शामिल होने आहले दल दी सिखलाई दी समीक्षा कीती। उंनै कैडेटें दे अनुशासन- सांस्कृतिक उत्कृष्टता ते तयारियें दौरान उंनै समर्पण दी सराहना कीती। मेजर जनरल होरें कैडेटें गी नमीं दिल्ली च औंदे गणतंत्र दिवस शिवर च उच्चे मानकें गी बनाई रखने ते कामयाबी हासल करने लेई प्रोत्साहित कीता।

<><><><><><>

### Rana

जल शक्ति मंत्री जावेद अहमद राणा होरें विज्ञान ते टेकनालजी विभाग दे सचिव डॉ. शहिद इकबाल चौधरी हुंनै कन्नै इक जायजा बैठक दी प्रधानता कीती ते पुंछ जिले च सौर उर्जा पैदावार दी संभावना दा आंकलन ते विकास दा जायजा लैता। बैठक च पुंछ गी विकेंद्रीकृत नवीकरणीय उर्जा विकास लेई प्राथमिकता आहले जिले दे रूप च

स्थापित करने उप्पर जोर दिता गेआ। एहदे अलावा जिले दी अनुकूल जलवायु परिस्थितियों सरकारी जिमीं, समुदायिक स्तर दियें थाहें, सौर संयंत्र ते होर दुए महत्वपूर्ण विशें पर चर्चा कीती गेई।

<><><><><><>

## PGKO

जिला रामबन च लोकें तगर पुज्जत बनाने आहली पैहल प्रशासन गांव की ओर दा आयोजन कीता जा'रदा ऐ जेदा उद्देश्य सरकारी सेवाएं गी लोकें दे घरें, चेचा करी दूर दराज इलाकें तगर पजाइये सेवा प्रणाली गी होर निगगर बनाना ऐ। खुम्बें दी राईबाई गी बढावा देने लेई कृषि विभाग नै इक्क कैंप दा सरिस्ता कीता जेहदे च खुम्बें दी राईबाई लेई 40 शा 90 प्रतिशत रिआयत देना, खाद्य, किट ते सिखलाई शामिल ही। प्रशासन गांव की ओर दा उद्देश्य जमीनी स्तर पर सरकारी येजनाएं ते सेवाएं दा हर इक माहनू तगर पुज्जत बनाना ते प्रशासन ते आम लोकें बश्कार दे छिंडे गी घट्ट करना ऐ। रामबन दे जिला राईबाई अधिकारी कुलदीप बासन होरें आखेआ

<><><><><><>

## Prog. Announcement

आकाशवाणी दा क्षेत्रीय समाचार एकांश जम्मू राष्ट्री उपभोक्ता दिवस-2025 दे मौके पर 30एं मिनटें दा इक विशेष कार्यक्रम कल यानि 247 दिसंबर गी प्रसारित करोग। इस विशेष प्रसारण दा विशेसार होग जागरूकता थमां कार्रवाई तगर। इस कार्यक्रम दा प्रसारण दपैहरी साढ़े 12 बजे कीता जाहग। इस विशेष प्रसारण च स्टाडियां परौहिनयां होडन उपभोक्ताएं दे मामलें दा नबेड़ा करने सरबंधी प्रदेश कमीशन दियां मिम्बर हेमा चौधरी, जेहिडियां कार्यक्रम दे विशे पर अपने माहिराना विचार स्हाढे कन्नै सांझे करडन। कार्यक्रम दी मेजबानी स्हाढे एंकर विजय बजाज होर करा करदे न। इस चाल्ली दे होर सूचना प्रदान करने आहले प्रसारणें गी तुस आकाशवाणी जम्मू दे मीडियम वेव 303 मीटर यानि 990 किलोहर्ट्ज ते एफ.एम 103 मैगाहर्ट्ज पर सुनी सकदे ओ।

<><><><><><>

## Weather-Update

मौसम विभाग नै जम्मू-कश्मीर लेई तापमान सरबंधी ताजा जानकारी जारी कीती ऐ। विभाग मुजब अगले 7 दिनें दरान जम्मू खितते दे मैदानी इलाकें च बड़ी मती धुंध पेई सकदी ऐ। 23 थमां 29 दिसंबर तगर मौसम आमतौर पर बदलोखड़ा रौहग। 30 दिसंबर थमां पैहली जनवरी बश्कार मैदानी इलाकें च हल्की बरखा पौने ते उच्चियों धारें पर हल्की बर्फबारी होने दे असार न। 2 जनवरी थमां 3 जनवरी बश्कार मौसम आमतौर पर बदलोखड़ा रौहग।

<><><><><><>